

Nakon sprovedene procedure direktnog sporazuma, na način i po postupku predviđenom odredbama Zakona o javnim nabavkama BiH, zaključuje se

## **U G O V O R** **O KUPOVINI SPORTSKE OPREME**

između:

**1. JAVNE USTANOVE "APOTEKE SARAJEVO"**, Sarajevo, Aleja Bosne Srebrene bb, koju zastupa generalni direktor prim. mr. ph. Sait Muradić, (u daljem tekstu Kupac)

i

**2. SPORT VISION D.O.O. BIJELJINA**, ul. Pantelinska 79A ( Poslovni centar Robot), 76300 Bijeljina, ID broj: 4401843920003, koje zastupa Rastko Novaković, direktor, (u daljem tekstu Prodavac)

### **I PREDMET I CIJENA**

#### **Član 1.**

Predmet ovog ugovora je kupovina 17 (sedamnaest) kompleta sportske opreme (odjeće i obuće). Prodavac prihvata da će isporučiti kupcu robu koja je predmet ugovora, u skladu sa Ponudom broj 190322-1-889-1 od 20.03.2019. godine, koja je sastavni dio ovog ugovora.

|                       |             |
|-----------------------|-------------|
| Cijena robe bez PDV-a | 1.538,39 KM |
| PDV                   | 261,53 KM   |
| Ukupno                | 1.799,91 KM |

### **II ROK I NAČIN ISPORUKE**

#### **Član 2.**

Prodavac se obavezuje da će kupcu isporučiti robu iz člana 1. ovog ugovora FCO sjedište kupca, u roku od 2 (dva) dana od dana narudžbe.

Prodavac će kupca blagovremeno obavijestiti o prispjeću isporuke.

Prodavac je obavezan da kupcu nadoknadi štetu zbog neblagovremene isporuke robe, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje prodavac nije mogao da utiče, kao i nastalu štetu zbog neisporučene količine robe koja je poručena.

### **III KVALITET ROBE**

#### **Član 3.**

Prodavac garantuje da će kupcu isporučiti cjelokupnu naručenu količinu robe koja je predmet ugovora odgovarajućeg kvaliteta, u protivnom prodavac je obavezan da kupcu naknadi pretpjelu štetu.

#### **IV KVALITATIVNI I KVANTITATIVNI PRIJEM**

##### **Član 4.**

Kupac će vršiti kontrolu kvaliteta kod preuzimanja robe. Reklamacija na isporučeni kvalitet robe se mora pokrenuti najkasnije do 7 dana od momenta prijema robe.

##### **Član 5.**

Isporuku robe prati određeni dokument (otpremnica), koji mora biti propisno ispunjen i ovjeren od strane prodavca i kupca.

Dokument iz stava dva ovog člana čini sastavni dio fakture.

##### **Član 6.**

Kvalitet isporučene robe kupac utvrđuje prilikom prijema, uz prisustvo predstavnika prodavca, na uobičajeni način.

##### **Član 7.**

Ako prilikom prijema robe, kupac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na sljedeći način:

- Kupac je obavezan da eventualni reklamacioni postupak na količinu isporučene robe pokrene najkasnije tri (3) dana od prispjeća iste na adresu kupca;
- Prodavac se obavezuje da uzme u postupak sve eventualne reklamacije prijavljene od strane kupca.

#### **V NAČIN I ROK PLAĆANJA**

##### **Član 8.**

Za robu iz člana 1. ovog ugovora kupac će izvršiti avansno, po zaključenju ugovora. Uplata se vrši na transakcijski račun prodavca naznačen na fakturi.

#### **VI SAOPŠTENJE I REKLAMACIJE**

##### **Član 9.**

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

##### **Član 10.**

Pravo prigovora, odnosno reklamacije, naročito se odnosi na slučajeve:

- isporuke naručene robe neodgovarajućeg kvaliteta,
- neblagovremene isporuke robe,
- isporuke naručene robe u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

**VII TRAJANJE UGOVORA****Član 11.**

Ovaj ugovor se zaključuje na period od 27.03.2019. do 02.04.2019.godine.

**VIII PRELAZNE I ZAVRŠNE ODREDBE****Član 12.**

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

**Član 13.**

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

**Član 14.**

Ovaj ugovor je sačinjen u 4 (četiri) istovjetna primjerka, od kojih po dva primjerka zadržava svaka ugovorna strane.

JU „Apoteke Sarajevo“  
Prim. mr. ph. Sait Muradić  
Generalni direktor

SPORT VISION D.O.O..  
Rastko Novaković  
Direktor

Broj: 01-03-586/19  
Datum: 27.03.2019.

Broj:  
Datum:

